

孝豐縣志

孝豐縣志卷八

知孝豐縣事大興劉濬纂

祥異志

兵戈 災歉
怪異 人瑞

二氣五行各有定軌苟或反常是名妖孽於是水旱蟲螟兵戈疾疫紛起而交應然其端由於人事人事苟修卽有妖孽而無徵應而人壽年豐有與慶星景雲甘露醴泉並兆祥和者是在敬天勤民者審其幾與吾民默轉移之

兵戈

生人之禍莫大乎兵自五材利用而弭兵無術在昔黃帝有蚩尤之梗唐堯有三苗之頑雖聖世德化不能盡彌其憾也

孝豐縣志

卷八

祥異志兵戈

一

豐邑地非衝要而或釁生外侮或盜弄潢池歷代不免至咸豐之季粵逆盤踞五年之久而民遂十去其九焉今日登高望遠某山某隘當日之奇兵也某莊某村當日之戰壘也斷鏃殘槍往往出於瓦礫吾儕復得蒙業而安伊誰之力抑前事之不忘後事之師也人有戒心庶永無後患志兵戈

羅志漢初平中黃巾賊張角作亂郡縣響應故鄣順守事聞朝廷嘉之

羅志晉成帝咸和四年己丑蘇峻祖約黨張健韓晃馬雄兵趨故鄣郗鑒遣參軍索閎追討斬之

唐書王雄誕傳李子通以精兵保獨松嶺雄誕遣將陳當率千

兵出不意乘高蔽崦張疑幟夜縛炬於樹徧山澤子通懼燒營遁保餘杭遂追擒之

府志南北朝遂興侯陳詳高祖從孫高祖征杜龕別下安吉原鄉故鄣三縣

府志元至正末縣境爲張士誠所據明初元帥費愚兵自廣德路入克之

明永樂正統間梅福徐順等嘯聚作亂王師討平之

永樂間魚池鄉吳貴歸作亂長興相繼騷動陽武侯薛祿率兵討之有祝御史監其軍奉有克定之日立殲二邑之命薛令祝馳奏請貸恐不及事兼程而進往復纔半月祝竟以勞斃

孝豐縣志

卷八

祥異志兵戈

一一

至今父老猶感再生之德

正德十二年孝豐廣苕鄉賊湯毛九作亂勢猖獗十三年巡按御史解冕以聞命巡撫都御史張津討之金壇令劉天和有能名津檄至軍門贊畫賊聞風請降遂平

按羅志州志同惟州志誤作三年考兵畧纂聞曰王瓊在本兵時湖州孝豐縣湯麻九反浙江巡按御史解冕奏聞瓊呼賈本人至兵部大言數之曰湯麻九不過一毛賊只消本處差數十火夫縛之欲朝廷發兵殊傷國體一時皆以爲失策賊偵知此語恣意劫掠不設備先是戶部爲查處錢糧差都御史許延光在浙江瓊卽請敕延光討之且授以方畧延光命副史彭姓者潛提民兵數千餘出其不意乘夜而往賊方相聚酣飲兵至卽擒斬無一人得脫者

國朝羅志田養民順治九年任縣事始鄰寇姚三等嘯聚數千餘人焚劫村落東南兩鄉流毒尤甚官兵屢剿賊屢遁居民

死者無數至是設法助剿平之賣馬買牛招撫流移開墾田

土鄉民賴以生聚

按田養民功在生民宜八名宦羅志亦言宜崇祀以後邑乘無徵而乾隆間府志尙未列祀典似未經詳請者然其遺愛在人不容沒也有邑人高潤撰楊起貞家傳述患難所經田侯之功頗具今節錄其畧以俟定論畧曰當崇禎末流賊浸熾公居張湖子居西圩中亘岡嶺四十餘里奸宄不時竊發歲甲申國朝定鼎我邑僻處山陬餘孽未靖三年丙戌土寇姚三盜據金石鄉設立偽官威脅鄉村連結廣茗鄉土寇為聲援而張湖適當往來之要阨公預燭亂萌先挈家附城僑寓十年癸巳王師既以次廓清大江南北及兩浙東西寇氛所隸州縣設官分治我邑田侯始奉簡命來撫孝邑公乃糾集耆老詣轅言狀田侯憫民苦久親造賊壘察其踪跡選民間之義勇益以家丁之驍健者得百餘人命其子統之而自督於後乘賊不備直搗其巢斬其偽將賊勢少衰復授其子方畧擒其偽軍師姚三窮蹙旋出授首乘勢剪除他孽十一年山寇悉平乃招集流亡市犢買牛教耕教養民以安業公於是攜家旋里從荆棘中復振舊業出手編示予曰

孝豐縣志

卷八

祥異志兵戈

二

此數十年患難所經並田侯剿寇之本末也方賊猖獗時吾鄉廬舍為賊巢倉廩為賊餉畜牧為賊膳予以早自遠患猶然饑不擇食寒不擇衣老弱嗷嗷不知生樂而鄰里之不及避者恣其淫戮又可勝道哉是今日引養引恬優游於化日之舒長者田侯之力焉然侯早以事去官予又才不逮外史聊備錄所經歷以遺後人俾知予一家幸生於患難者實侯能出豐民於水火也予讀之泫然曰君之用心亦懇且摯矣昔賊猝發予鄉同在患中以去賊較遠不若君近遭之甚然里人已不及悉知寇勢之橫田侯功德之大更數傳後豈復有知其詳者

咸豐十年十月粵賊據守同治三年六月克復始三月粵匪至

民團堵禦不得進賊繞道由獨松關入陷城五日救至賊遁

十月復陷據守三載餘同治三年五月巡撫左宗棠遣前藩

司楊昌濬率營進剿於六月初四日克復縣城生擒偽感王

左宗棠奏湖郡獲勝並攻克孝豐縣城生擒首逆摺其言湖州西路云其西路長興至安吉百餘里皆為賊踞並時分賊

黨至孝豐獨松關遞舖一帶將乘隙內犯偽感王陳榮率粵
賊數千人據孝豐縣城分黨竄犯百丈裏楊昌濬飭總兵羅
大春劉榮合擊走之五月十七日安吉賊千餘由遞舖竄至
高塢嶺適羅大春等自百丈裏收隊回途與賊遇截擊之斃
賊數百名生擒百餘名旋准江蘇撫臣李鴻章來咨已派水
陸四十營進攻長興密飭楊昌濬率各營進窺湖州西路
期與蘇軍漸合長圍飭蔣益澧派總兵周廷瑞等六營由餘
杭拔赴黃湖會剿五月二十四日蘇軍攻克長興縣城敗賊
悉退四安梅溪與踞賊合楊昌濬以四安梅溪既添賊黨其
勢必將上竄自率各營由牌頭進銅嶺扼之令知府劉璈副
將劉端冕谷香由等三營會同周廷瑞六營由黃湖以進白
水灣直搗孝豐縣城六月初三夜周廷瑞劉璈劉端冕谷香
山潛師踰嶺以進黎明抵孝城賊猶未覺瞥見官軍突至
即伏牆內施放槍礮官軍奮勇齊進受傷多名谷香山劉端
冕躍過重濠麾軍直入劉璈督隊繼之奮攻逾時賊勢不支
哨長吳德華首先由南門梯城而上立斬偽坪天義潘和周
廷瑞督各營由東門攻入所部營官李有慶立斬偽天將洪
恩坊城賊大亂紛紛奪路逃竄當於初四日午刻將孝豐縣
城克復周廷瑞劉璈麾軍追擊遙見羣逆擁一賊騎馬狂奔
意其為首逆也劉璈急率所部躡蹤緊追至城北十五里皈

孝豐縣志

卷八 祥異志兵戈

山場外委李必得矛刺該逆落馬生擒以歸餘賊四散訊之
即僞感王陳榮也是役斃賊千餘名生擒長髮賊二百餘
名拔出難民婦女五六百名奪獲騾馬百數十匹此攻克孝
豐縣城生擒首逆之實在情形也知縣劉濬記事嗚呼否泰
循環亦事理所有而狼奔豕突首尾五年至川原流人之血
土地饜人之肉闔門殉難者指不勝屈則生民之禍於今為
烈焉因錄殉難諸賢欲詳其顛末博訪遺老得其梗槩署為
序次使當時情事粗歸條貫覽之者又將痛英雄而淚潛怒
醜虜而髮指也按咸豐十年二月初三日廣德陷邑令程與
邑紳等會議堅壁清野分督民團各守要隘於是以前山東
歷城縣丞王敦書為團總以武生諸偉章等巡守城垣并
守幽嶺董嶺苦嶺金雞嶺孔夫關餘杭千秋關賊屢犯不得
入初八日安吉陷民團守境力禦時有擒斬旋賊聚愈眾乘
隙從獨松關入據安吉縣自遞舖鎮由北鄉之東濱趨唐福
鎮撲獅子山團勇出敵敗走諸偉章被擒剗腸死城遂陷時
三月初三日也初四日民團有攻城均敗沒時邑令督團
在外適米鎮興朝救至賊於初七日由金雞嶺遁廣德境內
肅清六月偽吳王由廣德至剽悍甚城虛不可守然鄉團四
布賊不敢據逕穿城入餘杭十月偽普王至下令安民十一
年四月有甘賊者至大肆荼毒王敦書自盡殉者紛紛邑令

楊駝子卽楊幅材一名獲住訊據供稱高涇縣花牆門地方人寄住孝豐沈添保係表弟關汶貴先住高涇東壩及宜興水柵地方與溧陽人施道士續溪人俞漆匠紹興人顧木匠結拜兄弟又與建平東華村王姓齋公兄弟二人交好都有邪術前後糾集黨羽約數百人分爲四旂二月十二日顧木匠交給旂幟上有悖逆字樣告以打廣德建平日期該犯帶人在廣德城外埋伏該犯卽邀令沈添保入夥沈添保復誘沈定青等同到該犯家內更餘時候走至廣德五嶺地方沿途聚集一共三十餘人該犯分給紅頭繩紅布爲號約在小東門會集維時沈定青等畏懼逃回該犯手執燈籠小刀先往東門探信不料風聲敗露城內早有准備該犯等均逃散關汶貴曾來孝豐一次現在不知逃往何處等語連日熬審加以刑嚇堅供不移復恐該處墾墾荒客民或有窩匪情事因與紳董王景沂等逐細訪查該墾戶等均係各安耕作等情馳稟前來並據稱報廣建高涇之交界十五堡山內尚有餘匪江皖各省均已派兵搜捕誠恐彼擊此竄臣已飭吳清亮一營留紮孝豐加勁躡緝並令羅啟勇王天焱赴長興安吉邊境會同嚴密查拏務期無分畛域將關汶貴拏獲以絕根株查該匪徒膽敢謀爲不軌勾結思逞深堪髮指幸甫經蠢動卽已破獲不致釀成巨害除前獲匪目沈添保甘心

孝豐縣志

卷八 祥異志兵戈

六

從匪已於訊明後正法沈定青等被誘逃回情稍可原另行分別辦理該犯楊駝子卽楊幅材於首匪關汶貴蓄謀起事情形歷歷供吐該犯轉輾糾眾入夥實屬同惡巨魁情罪重大臣已飭令該府覆訊明確就地正法梟示以伸國法現在民心安貼市肆照常臣謹會同閩浙總督臣英恭摺馳奏

光緒二年八月大溪長龍山土匪章木懷等謀亂知縣劉濬率

眾捕殺之按光緒二年七月間杭嘉湖各屬民間紛傳有妖形迹而訛言四起民不安業土匪章木懷等乘機倡亂四出搶掠知縣劉濬募勇集團直搗長龍山賊巢當場殺四名捕獲章木懷等登時正法其餘臨一帶土匪蠶起中丞楊奏派道員朱明亮提督成東昂帶隊督辦續獲范丁九等六名訊明正法人心爲之大定

災歉

三時不害而民和年豐雖堯水湯旱非由感召而理語其常
戒警恐懼與先事預防不敢忽也自前明分治至康熙初水
旱頻仍迭書饑饉志麥有秋者二而當歲即又無禾於以知
福不易承而患可懼也康熙十二年後邑志失修無池記載
可考郡志災祥門載雍正五年水賑卹門載乾隆二十年湖
屬災賑孝豐亦在其列故摘錄之自蕩平後數十載迭逢有
秋此生民之大幸然亦當惕然自警好樂無荒勿狃為常也
志災歉

羅志三國吳赤烏十三年八月故鄣諸山崩水溢

孝豐縣志

卷八

祥異志災歉

七

宋咸淳十年霖雨天目山崩水滅木民漂沒死者無算

明洪武三十一年大水

景泰五年大雪平地深七尺凍死者甚眾

成化十五年大水平崖

弘治十六年旱疫

正德元年歲大禳道殫相望 十四年秋水大盛合郡災傷

紀 茗

嘉靖六年秋山水漂溢溺死者甚眾 十九年大旱饑

石米一兩八錢

三十九年大水人民漂沒田地成溪者難以數計

萬曆八年旱大饑 十五年五月大水無麥禾 十六年旱蝗

且大疫時饑殍載道民茹草木

石米一兩八錢

十七年麥有秋夏

六月至八月不雨無禾 二十三年大雪平地丈許兩月雪
凍不釋死者甚眾鳥隼狐兔狼俱凍死 二十四年八月
大風拔木屋瓦皆飛 二十九年竹實人採以為食 三十
六年大水按府志人物傳萬歷戊申年烏程人朱應選遊學
京邸聞郡大水與同邑關大宗合疏奏闕蠲免七
州邑錢糧戊申萬
歷三十六年也

天啟元年大雨雪

崇禎十三年大饑道殣相望死者不可勝數 十四年七月十
四日大水 十七年天目洪水漲蛟唇出損禾田房屋數百
家

國朝順治二年歲大稔石米價二
兩七錢 十年歲大旱饑民採蕨為

孝豐縣志

卷八

祥異志災歉

八

食繼以葛及榆皮 十一年麥有秋七月青蟲食苗

康熙六十年大旱

浙江通志雍正五年七月十八日夜孝豐出蛟山水陡發

府志雍正五年七月十八日夜出蛟山水陡發渰沒田禾

乾隆二十年歲饑 二十一年饑 四十六年饑

嘉慶二十年歲饑 二十三年歲饑

道光三年大水 八年旱 十一年小旱 十二年小旱 十
三年大旱 十四年小旱 十五年小旱 二十一年大雪
十一月初一起二十六日止深九尺民多饑者 二十四年
歲饑 二十六年七月十四日山水驟發衝去棺柩四千餘

口 二十八年八月小水 二十九年春夏之際一月間發
水二十九次民災

咸豐七年九月蝗 八年二月蝗四月二十九日忽不見 十
一年十二月二十九日大雪四尺餘

同治元年六七月瘟疫民遭兵戈者半遭瘟疫者亦半 七年
五月大水 十年三月初旬大風雨大木盡拔一日夜民屋
圯者數次 十年十一月二十五日申刻大沙霧西鄉黃色
南鄉黑色地震 十三年十月二十日夜地雷震

光緒二年六月大水 三年五月蝗

怪異

反常爲怪聖人所不語然日月之凌蝕山川之崩竭石言鷁退李梅冬實皆反常也而筆之於經則夫不語者不爲津津樂道以聳人聽聞而未嘗不欲人見微知著而陽然以自警茲照舊志所有錄而存之覽者懼而修德則祥桑旣榮而復枯彗星已見而退舍無難也志怪異

嘉靖六年雨血

萬曆二十五年正月移風浮玉山號數里三月人惑於謠徙者數千家晝夜不息子女投於溝壑老羸仆於道左 二十七年移風鄉白晝虎傷一人復入舍人母病臥虎欲傷之其婦

孝豐縣志

卷八

祥異志怪異

十

持刀救被傷又至一家婦驚閉戶值父子樵歸虎傷其子其父死力搏之幸脫

崇禎十八年天目山有一石出土中長可三尺許周圍半尺有奇上銳下平四隅稜角不甚周正有天下興順太平石七字無剗痕今在龍廟中

國朝順治七年六月十七日戌時初一刻地震彗星見

康熙五年六月有馬見於魚池鄉之安市毛鬣如凡馬背有肉鞍往來田間未嘗避人欲近之卽駛迅如電月餘不知所往兵燹後金石鄉山人見數次馬形相似當 此也

兵後四鄉有獸食厝棺尸骨似人非人似熊非熊無有識者

人瑞

聖人在上百族各遂其生在物則無胎天槎枿而暢茂繁植
在人則無短折鰥寡而康強逢吉化國之日舒以長此其驗
矣故循省風俗必先問高年然或深山窮谷載筆無人輶軒
巡行又復不及則隨以湮沒舊志所由闕如變故以來益無
徵信茲據各姓家乘僅存者核入簡編雖遺畧正多亦見祥
和之醞釀非一日也志人瑞

國朝楊枝昌以耆典三奉 覃恩 賞正八品銜給丁奉養壽
九十三歲

許銘鉢號律音一百五歲邑主黃旌以壽同天目

孝豐縣志

卷八

祥異志人物

十一

許其秀九十九歲

章鳴樛字有南號轟菴監生年九十歲親見七代五世同堂道

光元年呈請 旌表

許子禮字節文九十九歲 賜八品銜

葉祖彬及妻萬氏並九十六歲親見七葉五世同堂道光十六

年呈請 旌表

